

დოქტორანტურის პროგრამის

ციფრული მმართველობა და ხელოვნური ინტელექტი საჯარო სექტორში Digital Governance and Artificial Intelligence in Public Sector

პროექტი

პროგრამის სპეციფიკა: პროგრამა მიმართულია საჯარო მმართველობის სფეროში მკვლევარის მომზადებაზე, რომელიც შეძლებს საჯარო მმართველობის, მათ შორის ციფრული მმართველობის მიმართულებით, ეთიკური სტანდარტების დაცვით ინტერდისციპლინური კვლევების განხორციელებას და საზოგადოებისთვის კვლევის შედეგების გაზიარებას პრაქტიკაში გამოყენების მიზნებისთვის, ციფრული პოლიტიკის დაგეგმვის ერთიანი სისტემისა და საკანონმდებლო ბაზის განვითარების ხელშეწყობა, ასევე, ციფრული პოლიტიკის განხორციელებისას რესურსების გადანაწილებასთან დაკავშირებული მკაფიო და ეფექტიანი მიდგომების/სტრატეგიების შემუშავებას, საჯარო სექტორში ციფრული მმართველობის და ხელოვნური ინტელექტის (AI) დანერგვის ყველა ეტაპისათვის სიტუაციის ანალიზის, დაგეგმვის, ანგარიშგების, მონიტორინგისა და შეფასებისათვის საჭირო მეთოდური რეკომენდაციების შემუშავებას.

პროგრამის ძირითადი მახასიათებლები: უმაღლესი განათლების საფეხური: III (დოქტორანტურა. მისანიჭებელი კვალიფიკაცია: საჯარო მმართველობის დოქტორი / Doctor of Public Administration (კვალიფიკაციის კოდი: 0413). სწავლების ენა: ქართული. პროგრამის სტრუქტურა: 1) სასწავლო კომპონენტი (არაუმეტეს 60 ECTS-ის კრედიტი, 1 კრედიტი = 25 სთ.), მათ შორის სავალდებულო და არჩევითი კომპონენტები; 2) სამეცნიერო-კვლევითი კომპონენტი (სადისერტაციო ნაშრომი). პროგრამის ხანგრძლივობა: არანაკლებ 3, არაუმეტეს 5 აკადემიური წელი.

პროგრამის კურსდამთავრებულის დასაქმების შესაძლებლობა კურსდამთავრებული შეიძლება დასაქმდეს აკადემიურ საგანმანათლებლო და კვლევით დაწესებულებებში, საჯარო სექტორში და საერთაშორისო სამთავრობოთაშორისო ორგანიზაციებში მმართველობის საშუალო და მაღალი რგოლის თანამდებობებზე, საჯარო სექტორში და საერთაშორისო სამთავრობოთაშორისო ორგანიზაციებში ციფრული მმართველობის და ხელოვნური ინტელექტის დანერგვის, შეფასებისა და კვლევების მიმართულებით.

პროგრამაზე სწავლის წინაპირობები: დოქტორანტურაში სწავლის უფლება აქვს მაგისტრის ან მასთან გათანაბრებული აკადემიური ხარისხის მქონე პირს, რომელსაც კვალიფიკაცია მინიჭებული აქვს საჯარო მმართველობის, სამართლის, პოლიტიკის მეცნიერებების, მენეჯმენტის, ბიზნესის ადმინისტრირების სფეროში; ასევე, შესაძლებელია სხვა სფეროში კვალიფიკაცია და არანაკლებ 3 წლის მართვის გამოცდილება საჯარო სექტორში. პროგრამაზე სწავლის მსურველ პირს შეუძლია თავად განსაზღვროს ამ პროგრამით სწავლის მიზანშეწონილობა (გაეცნოს ვებგვერდზე განთავსებულ პროგრამის აღწერილობას, გაესაუბროს პროგრამის ხელმძღვანელს, დააზუსტოს ინფორმაცია პროგრამის, მისი კომპონენტებისა და კვლევის შესაძლო სფეროების შესახებ, გაიაროს კონსულტაცია კვალიფიკაციისა და პროგრამის სპეციფიკის შესაბამისობის შესახებ და თავად მიიღოს ინფორმირებული გადაწყვეტილება პროგრამაზე სწავლის განაცხადის შეტანის შესახებ). პროგრამაზე სწავლის მსურველს მოეთხოვება: 1) პროგრამაზე მიღების გამოცხადებაში მითითებული დოკუმენტების, მათ შორის დადგენილი ფორმით კვლევის კონცეფციის, წარდგენა; 2) ინგლისური ენის არანაკლებ B2 დონეზე ფლობა; 3) ქართული ენის B2 დონეზე ფლობა იმ პირისთვის, რომლისთვის მშობლიური ენა არ არის ქართული; 3) შესარჩევი კონკურსის გავლა (დაშვების წინაპირობა - ზემოთ მოთხოვნილი შესაბამისი პირობის დაკმაყოფილება). შესარჩევი კონკურსში მოიაზრება საკონკურსო დარგობრივ კომისიასთან გასაუბრება - კვლევის კონცეფციის წარდგენა (ბტუ-ში მოქმედი ფორმით). ჩარიცხვა მოხდება შესარჩევი კონკურსის (კვლევის კონცეფციის წარდგენისა და შეფასების) შედეგების საფუძველზე გამოცხადებული ვაკანტური ადგილების ფარგლებში (თითოეული წლისთვის პროგრამაზე მიღება - არაუმეტეს 5 ვაკანტური ადგილი). პროგრამით სწავლის გაგრძელება შესაძლებელია მობილობით პროგრამაზე ჩარიცხვის წინაპირობების - პროგრამაზე სწავლისთვის დადგენილი მოთხოვნების დაკმაყოფილების შემთხვევაში (უკვე მიღწეული სწავლის შედეგების თავსებადობა წინამდებარე პროგრამასთან დადგინდება საქართველოს კანონმდებლობისა და ბტუ-ში მოქმედი განათლების აღიარების რეგულაციების შესაბამისად).

პროგრამის განხორციელების დაწყების საპროგნოზო ვადა: 2022 -2023 აკადემიური წელი.